

UNIVERZITET U SARAJEVU
VETERINARSKI FAKULTET

Broj: 04-01-670-2 /25

Sarajevo, 06.01.2026. godine

Na osnovu člana 69. stav (1) tačka a) Zakona o visokom obrazovanju ("Službene novine Kantona Sarajevo", br.: 36/22 i 28/25), čl. 111. stav (1) tačka a) i 170. Statuta Univerziteta u Sarajevu i člana 13. stav (10) Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu broj: 01-15-24-1/23 od 27.09.2023. godine, a na osnovu prijedloga prodekana za nastavu i studentska pitanja, Vijeće Fakulteta na svojoj 1. vanrednoj - elektronskoj sjednici održanoj 06.01.2026. godine, donosi

ODLUKU

o izmjeni Kalendara organizacije i realizacije studijskog programa na Univerzitetu u Sarajevu - Veterinarskom fakultetu u akademskoj 2025/2026. godini

Član 1.

Utvrdjuje se izmjena Kalendara organizacije i realizacije studijskog programa integriranog studija veterinarske medicine I i II ciklusa na Univerzitetu u Sarajevu – Veterinarskom fakultetu u akademskoj 2025/2026. godini, na način da će se nastava u periodu od 06.01.2026. godine do prestanka nestabilnih i nepovoljnih vremenskih uslova održavati u online režimu.

Izostanci studenata sa nastave na dan 05.01.2026. godine tretirat će se kao opravdani.

Po prestanku okolnosti navedenih u stavu 1. ovog člana, odnosno ukoliko vremenske prilike dozvole da se nastava održava u učionicama, dekan će uputiti obavijest svim studentima putem studenta prodekana.

Član 2.

Izmijenjeni Kalendar iz člana 1. ove odluke sastavni je dio ove odluke.

Član 3.

Odluka stupa na snagu danom donošenja.

Obrazloženje

Članom 13. stav (10) Pravila studiranja za I i II ciklus studija, integrirani, stručni i specijalistički studij na Univerzitetu u Sarajevu, utvrđeno je da vijeće članice može svojim kalendarom nastavnih aktivnosti utvrditi izvođenje nastave na daljinu (online režimu) u obimu do jedne trećine semestra za studijske programe čija je realizacija predviđena u učionici. Kalendarom nastavnih aktivnosti u akademskoj 2025/2026. godini planiran je završetak nastave u zimskom semestru 16.01.2026. godine. Shodno navedenom, a zbog nestabilnih i nepovoljnih vremenskih uslova koji su prouzrokovali otežano odvijanje saobraćaja u Bosni i Hercegovini, te cijeneći činjenicu da veliki broj studenata nakon novogodišnjih praznika nije u mogućnosti prisustvovati nastavi, odlučeno je kao u dispozitivu.

DOSTAVITI:

1. Prodekan za nastavu i studentska pitanja,
2. Predmetni nastavnici (putem e-maila),
3. Sekretar Fakulteta, Sabrina Grbo, mr. iur.,
4. Studentima putem Službe za studentske poslove,
5. Služba za studentske poslove,
6. Internet stranica Fakulteta,
7. U evidenciju Vijeća Fakulteta,
8. a/a.



**KALENDAR ORGANIZACIJE I REALIZACIJE STUDIJSKOG PROGRAMA INTEGRIRANI
STUDIJ VETERINARSKJE MEDICINE I I II CIKLUS NA UNIVERZITET U SARAJEVU -
VETERINARSKOM FAKULTETU U AKADEMSKOJ 2025/2026.**

Naziv aktivnosti	Broj nedjelja	Datum
Početak akademske 2025/2026. godine		01.10.2025.
ZIMSKI SEMESTAR		
Početak nastave zimskog semestra Prijem bruceša ¹		06.10.2025.
Trajanje nastave zimskog semestra 29.12.2025.-02.01.2026.; u periodu od 06.01.2026. godine do prestanka nestabilnih i nepovoljnih vremenskih uslova online nastava	15	06.10.2025. – 16.01.2026.
Upis zimskog semestra do		30.09.2025.
Promocija diplomanata, magistranata i specijalizanata		20.12.2025.
Nadoknada nastave i priprema za ispite	1	19.01. – 25.01.2026.
Redovni ispitni rok za studente koji studiraju u skladu sa bolonjskim principima (predmeti zimskog semestra)	2	26.01 – 06.02.2026.
Popravni ispitni rok za studente koji studiraju u skladu sa bolonjskim principima (predmeti zimskog semestra)	2	09.02. – 20.02.2026.
Nenastavna sedmica – priprema za ljetni semestar	1	21.02. – 27.02.2026.
Ovjera zimskog i upis ljetnog semestra		09.02. – 27.02.2026.
LJETNI SEMESTAR		
Početak nastave ljetnog semestra		02.03.2026.
Trajanje nastave ljetnog semestra	15	02.03. – 12.06.2026.
Nadoknada nastave i priprema za ispite	1	15.06. – 21.06.2026.
Redovni ispitni rok za studente koji studiraju u skladu sa bolonjskim principima (predmeti ljetnog semestra)	2	22.06. – 03.07.2026.
Popravni ispitni rok za studente koji studiraju u skladu sa bolonjskim principima (predmeti ljetnog semestra) (11.07. nema ispitnih aktivnosti)	2	06.07. – 17.07.2026.
Septembar		
Prvi ispitni termin septembarskog roka (predmeti zimskog i ljetnog semestra)	3	24.08. – 10.09.2026.
Drugi ispitni termin septembarskog roka (predmeti zimskog i ljetnog semestra)	3	11.09. – 30.09.2026.
Ovjera ljetnog i upis zimskog semestra		07.09. – 30.09.2026.
Završetak akademske 2025/2026. godine		30.09.2026.

Ispiti za studente koji ne studiraju u skladu sa bolonjskim principima održavat će se u mjesecima: januar, februar, april, juni, juli i septembar 2026. godine. Prijave se predaju na studentsku službu prve nedjelje u mjesecu, a ispiti se održavaju posljednje nedjelje u mjesecu prema rasporedu koji odgovorni nastavnik mora objaviti najkasnije 15 dana prije termina polaganja ispita.

NERADNI I NENASTAVNI DANI U AKADEMSKOJ 2025/2026. GODINI

01.11.2025.	Svi sveti – rimokatolički blagdan ²	Nema nastavnih i aktivnosti provjera znanja
25.11.2025.	Dan državnosti Bosne i Hercegovine	Neradni dan
25.12.2025.	Rimokatolički Božić ²	Nema nastavnih i aktivnosti provjera znanja
25.12.2025.	Početak Hanuke – jevrejski blagdan ²	Nema nastavnih i aktivnosti provjera znanja
01.-02.01.2026.	Nova godina – državni praznik	Neradni dan
07.01.2026.	Pravoslavni Božić ²	Nema nastavnih i aktivnosti provjera znanja
01.03.2026.	Dan nezavisnosti Bosne i Hercegovine	Neradni dan
20.03.2026.	Ramazanski Bajram ²	Nema nastavnih i aktivnosti provjera znanja
05.04.2026.	Katolički Uskrs ²	Nema nastavnih i aktivnosti provjera znanja
06.04.2026.	Uskršnji ponedjeljak ²	Nema nastavnih i aktivnosti provjera znanja
12.04.2026.	Pravoslavni Vaskrs ²	Nema nastavnih i aktivnosti provjera znanja
13.04.2026.	Vaskršnji ponedjeljak ²	Nema nastavnih i aktivnosti provjera znanja
01.-02.05.2026.	Međunarodni praznik rada – Prvi maj	Neradni dan
27.05.2026.	Kurban Bajram ²	Nema nastavnih i aktivnosti provjera znanja
11.07.2026.	Dan sjećanja na žrtve genocida u Srebrenici ¹	Nema nastavnih i aktivnosti provjera znanja

¹ Uz obavezu nadoknade nastave do punog fonda sati do kraja tekućeg semestra

² Neradni dan za one koji obilježavaju navedeni blagdan, nenastavni dan za studente i sve druge uposlenike Univerziteta u Sarajevu. Napominjemo da se islamski praznici računaju po lunarnom - mjesječevom kalendaru, te je potrebno znati da su moguća odstupanja od proračuna za jedan dan. Nadoknada nastave propuštene zbog vjerskih praznika mogu se nadoknaditi do kraja 15. sedmice ili u 16. sedmici u semestru.

³ preporučuje se organizacionim jedinicama Univerziteta u Sarajevu, da aktivnosti, izvođenje nastave i ispita, a uvažavajući pravo studenata i nastavnog osoblja:

- **islamske vjere** koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze petkom i to: od 11:45 do 13:00 sati u vremenskom periodu zimskog računanja vremena, odnosno od 12:45 do 14:00 sati u vremenskom periodu ljetnog računanja vremena.

- **jevrejske vjeroispovijesti** koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze petkom i to: od 15:00 do subote u 16:00 sati u vremenskom periodu zimskog računanja vremena, odnosno od 16:00 do subote u 17:00 sati u vremenskom periodu ljetnog računanja vremena.

- **katoličke vjeroispovijesti** (katolike latinskog obreda) koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze nedjeljom i to: od 10:45 do 12:45 sati.; te katolike pripadnike istočnih autonomnih crkava nedjeljom i to: od 09:00 do 11:00 sati

- **pravoslavne vjeroispovijesti** koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze nedjeljom i to: od 09:45 do 12:45 sati.

- **pripadnika hrišćanske adventističke crkve sedmoga dana**, koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze subotom.

- **pripadnika protestantskih crkava (evangelisti, reformirani, baptisti, metodisti, pentekostalci)**, koji studiraju, rade i djeluju pri Univerzitetu u Sarajevu, te drugih javnih događaja koji uključuju šire grupe studenata, a predstavljaju fakultativni ili obavezujući dio akademskog rada, usavršavanja i obrazovanja, vode računa da ne zakazuju akademske obaveze nedjeljom.

KOMISIJA ZA NASTAVU I STUDENTSKA PITANJA